

INUIT ATAQATIGIIT

Inatsisartuni



UPA 2017/180
Nuuk, 09. maj 2017
Villy Olsvig

**Silaannakkut angallannerup tiguneqarnissaa pillugu Naalakkersuisut
suleqatigiissitamik pilersitsinissaannut Inatsisartut aalajangiinissas-
saattut siunnersuut.**
(Inatsisartunut ilaasortaq Per Rosing-Petersen, Partii Naleraq)

Siullermik Inuit Ataqatigiit-niit Inatsisartunut ilaasortaq Per Rosing-Petersen qutsavigerusupparput silaannakkut angallan-nermi oqartussaqarfiup tinguneqarsinnaaneranik siunnerfe-qarluni suleqatigiisitaliorsinnaanermik siunnersuuteqarneranut.

Naatsorsuutigalugulu ilimagisinnalluarparput silaannakkut angallassisarnermi oqartussaqarfik suliassaqarfiussasoq annertuumik qulaajaanernik aallaaveqarfiu-sinnaasoq.

Oqartussaqarfik nunatsinniit isumagineqalissappat soqutinginaateqarumaartussanut ilaasussat tassaaniassapput qanoq aningaasartuutaatigisinnaanera aammalu qanoq isertitaqarniarnikkut nunatsinnut sunniuteqarumaarsinnaanissaa.

Ukiuni makkunani nunatta iluani angallannikkut iluarsar-tuusseqqinniarerni aqquaarneqartarsimasut eqqarsaatigissa-gaanni inunnik imaatigut aammalumi silaannakkut assartuussinermi annertuumik inuiaqatigiit akornanni sunniuteqarnerluttarsimasut eqqaaneqaannarsinnaalluarput.

Siunnersuuteqartup taakkartorsimasai pisortaqarfifit sorliit suleqatigiisitami peqataasinnaajumaarnersut taakkartorsimagai atuarneqarsinnaavoq, taamatuttaarlu akissuteqaammi atuarne-qarsinnaavoq suleqatigiisitamik aallatittoqareersimasoq, tamannalu Inuit Ataqatigiit-niit ilassilluarparput.

Immikkullu makku oqaaseqarfigilaarusunnarpuit:
Nunat allat silaannartaminnik aqutsinertik qanoq aningaasar-siutigineraat Inatsisartuni paasisaqarluarfingissallugu soqutigi-nateqarpoq.

Silaannartatsinnik aqutsilerneq suliffinnik nutaanik pilersitsivius-sanerpa.

Ullut tamarluinnaasa nunarput timmisartorpassuarnit qulaavaa-neqartartoq nunatullu namminiileriartortutut nammineq aqulis-sallugu pisariaqarpoq. Nunarsuarmioqatitsinnik nammineerluta aamma qanimut suleqateqarnerulernissatsinnik kinguneqartus-saammat.

Taamaattut siunnersuummut tapersiilluta, sukumiinerusumik suliassanngorlugu ataatsimiitsitaliamut susassaqartumut ingerlateqqipparput.

Qujanaq